

ter hos & alteros montes Callao provincia clauditur. De moribus autem Peruvianorum in universum ita Lævinus Apollonius scribit: Tribus potissimum gentibus universi distinguuntur, quarum singula plurimos sub se populos nominum rursus varietate differentes continent. Hæ gentes dissimilitudine gaudent & diversis linguis sunt discretæ: frequenter etiam limites excedentes inter se bella gerere, & ferro injurias vindicare discordes solebant, priusquam in unius Gynacavæ ditionem ad Æquatorem usque provincia cessit; verum ubi victoria ejus cunctis sub unam potestatem redactis dissidiorum facultas ablata est, ita apud proceres & vulgus Cusconia lingua, qua duntaxat jus dicebatur, voluptati ac studio esse cœpit, ut hujus gnari totius provinciæ peragranda non difficilis facultas relinquatur. Feminis lanea vestis est ad talos usque propendens, mares indusolum ad furas usque, & huic superjectum palliolum gestant. Quanquam vero idem fere tota regio obtineat vestimenti genus, capitum tamen habitus mirifice variant, cum singuli pro usitato patriæ more fasciolas tornatiles, multi simplices, plurimi versicolores gerant: nec fere sint quiquam, qui eo in capitum ornatu secundum patrium usum ab aliis non vehementer discrepent. Admirabili vero omnes natura indolis simplicitate imbuunt, adhuc vetustæ ruditis hæres, qua ridiculas nobiscum negotiationes exercent, vix in exhaustas suas auri & argenti gazas norunt, atque informibus eorum massis tantum utuntur, quanquam aureorum atque argenteorum emblematum non minore quam nos delectatione capiantur, quibus templorum & regiarum po-

stes bracteato sculptorum opere fabrefactis plurimum exornant. In ea tamen vulgari simplicitate proxime Æquatori subjecti morum incommoditate ac vitiis reliquos superant. Hi multa hypocrisis taciturni, & compressis in labra verbis submurmurantes, non multum à Iudæorum modo abhorrent, fœdeque in libidinem proclives, exiguo in precio mulieres habent, quas non vilissime modo sibi ancillari cogunt, sed etiam levissima offensione plagis acerrimis excipiunt. Indusiole levi umbilico tenuis vestiuntur; ceteras corporis partes nudas relinquunt. Crura & brachia gemmatas sphaularum circulis ornant, & pertusis utrinque malis atque orum labris turcosios atque smaragdos mirifice splendentes hiatibus infixos gerunt. In ipsis vero templis simulachra duo atrox hircorum similitudine sculpta adorantur, idque perpetuo cultu. In vulgaribus ubique templis magnorum serpentum figuræ adorantur. Omnis scientiæ prorsus expertes sunt, literarum omnium ac picturarum exsortes, quæ apud Mexicanos literarum loco habentur. Laneis enim utuntur funibus (*quippos* appellant) quibus implicitis diversarum figurarum nodis numerum supputant ab monade ad denarium, atque inde altius numerando gradatim adscendentes: nodis colores imprimunt rebus illis similes; quas indicare volunt. Singulos quælibet provincia notarios habet, qui per hos colores rerum vel ante multos annos gestarum memoriam, ceu literarum monumentis haustam plebi insinuant, & custodiæ fideli mandant. Arma illis ensis, hastile præpilatum, clavus ferreus, securis argentea vel aurea, fundæ, & alia telorum genera.

